



Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 50. Mercius in prælio trucidatus.

[urn:nbn:de:hbz:466:1-67359](#)

garis. Victoribus in gloriæ trophæum Sæc. XVII.
cessere quinquaginta vexilla, totus belli A.C. 1645.
apparatus, cunctaque tormenta: Ex
Bavaricis non plusquam trecenti fuere
desiderati. Præterea ex Gallis, quos
fuga abstulerat, multi a Cæsareo - Ba-
varicis obtruncati, alii tranato Mœno
gurgitibus hausti, alii variis in locis
capti fuere: Turrenius vero cum laceri
sui exercitus reliquiis in Hassiam sese
recepit.

§. L.

Mercius in prælio trucidatus.

Sub idem ferme tempus Dani cum Suecis pacem, hi vero cum Saxonibus semestres inibant inducias; unde accidit, ut Königsmarchius, qui cum Sueco agmine Saxoniam invaserat, Gallis sese jungere valeret, hisque suppetiis, nec non Hassiae copiis auctus Comes Turenus suum repararet exercitum, quem Enguienus Dux novo etiam supplemento ex Galliis adducto tam opportune auxerat, ut vel ad Danubium, inque ipsam Bavariam penetrando, aut supremam pugnæ aleam experiundo par esset. Nec tamen Gallorum consilium effugerat vigilantiā Mercii, qui Hassos ab Amœneburgi, & Gallos Willestadii obsidione repulit, promotisque

*Bautieu Con-
quet. de
Louis XIV.*

t. I. Jan.

Hist. Eccles. Tom. LXI. K. Din-

Sæc. XVII. Dinckelspilam castris hostem, quem in
A. C. 1645. Durwagensi sylva confistere compererat,

colle e regione occupato die prima Au-
gusti laceffere cœpit. Vicem reposuit
Enguienus, ac impetu in Allerheimium
facto Bavaros, flamma tectis injecta,
statione sua deturbare incassum molie-
bat; Bavari enim ne latum quidem
unquem cedentes, non sine luculenta
strage Gallos repulere, occupataque
Templi cujusdam Turri in hostem con-
tinuam scloporum procellam detona-
runt, successu tamen nunquam satis
deplorando; cujusdam enim Bavari
militis incuria ipsemet Mercius secun-
dum cervicem infasta pila trajectus
occubuit, & Gleenus instaurato cer-
tamine a Gallis captus est. Franci,
sublato jam utroque Stratego, animo-
fiores facti, tentata nova aggreßione
Allerheimium occupare nituntur,
Rauschenbergio tamen, qui in Bava-
rorum opem accurrerat, cum ingenti
strage repulsi. Eadem felicitate Ioan-
nes de Werth equites suos in dextram
Gallorum alam torquens, quicquid ho-
stilium legionum adhuc in acie stabat,
confusis ordinibus dejecit, egitque in
effusam fugam: vicissim vero Turrenius
dextrum Bavarorum cornu acie per-
rupta evertit, quo tamen restituto ad
seram usque vesperam magna utrinque

virtu-

virtute, victoria ancipiti, majore ta- Sæc. XVII.
 men Gallorum quam Bavarorum strage A.C. 1645.
 dimicatum est, Bavaris absdubio trium-
 phum canentibus, nisi nox ingruens
 minus plenam victoriam reddidisset, &
 Mercius Heros sui ævi clarissimus in
 prospero dimicationis æstu occubuisset.
 Amissa sunt a Bavaris vexilla undecim,
 a Gallis septuaginta unacum quatuor-
 decim belli tormentis, totoque belli
 apparatu, qui in dextro hostium cor-
 nu erat. Cecidere in hoc prælio Gal-
 lorum circiter sex millia, in quibus erant
 plusquam quindecim præcipuæ nobili-
 tatis dignitatisque Viri: Inter captos
 numerabantur Grammontius Franciæ
 Marescallus, Marchio Castræus, plu-
 rimique alii: ipsemet quoque Engui-
 nus Dux præter plures alias secundum
 brachium & femur vulneratus est. Nec
 Bavaris incruenta erat victoria; duo
 enim ferme millia inter occisos, mul-
 tique, & quidem ferme omnes, qui
 in cæmeterio fortissime pugnabant,
 capti abstrahebantur. Post hoc præ-
 lium. Enguienus Dux Nordlingam &
 Dinckelspilam ditione cepit, Turre-
 nius vero Hailbrunam incassum obsedit,
 Gallisque in hiberna recedentibus Ba-
 vari Wimpfenam, Dinckelspilam, &
 Rotenburgum recuperarunt.